



ᐅᑕᑦᑕᑦᑕᑦᑕ ᐱᑦᑕᑦᑕᑦᑕᑦᑕ

**NUTAQQANUT INULRAMIRNULLU**  
**UGAQTIKHAANIK**

**REPRÉSENTANT DE**  
**L'ENFANCE ET DE LA JEUNESSE**

**REPRESENTATIVE FOR**  
**CHILDREN AND YOUTH**

Titigiqivikkut Quiquta 488, Iqaluit, Nunavut, X0A 0H0 | 867-975-5090 (1-855-449-8118) | contact@rcynu.ca | www.rcynu.ca

**Katimaqatauyuq hapkununga Kivgaqtuiyuq Nutaqqanut Inulgammiitlu Havagvianin  
hivuniini Tikuaqtauhimayut Katimayiit mighaagun Amiqhinikkut Kavamatkut Auladjutainun ukualu  
Maniliqidjutit titiqqat**

**Angmaqtirutikkut Uqagauyut hapkununga Kivgaqtuiyut Nutaqqanut Inulgammiitlu  
Imaruqtirvia 21-22, 2021**

Quana, Ikhivautaaqtuq ublukkut. Ilauqatigiyara Lynn Matte, Aulapkaiyi Kivgaqtuiyuq Nutaqqanut Inulgammiitlu kivgaqtungnirmun, unalu David Korgak, Atanguyaq hapkununga Atautinun Kivgaqtungnikkut Kivgaqtuiyinun. Ilitariyumayatkallu havaktit hitamanin nutaqqanun inulramirnunlu-kivgaqtungnikkut havagiinin, kitut havagvipta havaqatigihimaaqtait, Ilinniaqtuliyiyit, Inuliriyitkut, Havagviat Aanniaqtailinirmun Maligaliqiyiillu. Quviagiyatka tapkua Tikuaqtauhimayut Katimayiit apirhingmata hamaniitqublutit ilaulutikllu ublu katimadjutini. Tunngahugitti,

Kivgaqtuiyuq Nutaqqanut Inulgammiitlu havagviat inmikuuqtuq Havagviat hapkunani Maligaliurvingmi Nunavunmi. Taimaali, havagvingma munariyaghait pihimalugit tapkua kivgaqtuutunik ikayuutuniklu tunihiyut Kavamatkunin Nunavunmi ihuaqtut, aadjikiingnikkut, ihuaqtullu atautinun tamainun inulramirnun Nunavunmiunun, ilainunlu.

Ungahikhivalaaqtinanga, havaktiit hapkua Kivgaqtuiyut Nutaqqanut Inulgammiitlu Havagviat uvangalu ilitariyumayavut amigaitut, amigaitpiaqtut inuit tapkua havaktut unaguhukhimaitumik tunihyaamingni kivgaqtuutunik ihariagiyaptingnik nakuutqiatigut piimayayunun tamainun Nunavunmiut ihumagiblugit. Takuyaffi. Quyagiyaffilu.

Kihimi, havaaribluq ilikuuqtuq havagvik, hunat tuhaqtitayut ihuiguuutit, ayuqhautit, ukualu piqanginirit. Tuniyavut hapkua ihumaaluutit ilingnun taimaali havaqatigiigaptingnik ihuaqhiyuumirahuaqlugit kivgaqtuutit inulramirnun Nunavunmi tamaptallu hamaniitugut uqautigiyaangani ublumi.

Una 2019-2020 maniliqinikkut ukiunga havagyuarnaqtuq.

- Havagviga tuniyauhimayut amigainirharnik ihuiguuutunik ublumimun angmaqhuqillu 98 nutaat atautinun uqaudjinikkut pidjutit.

- Nunitavut hivuliit auladjutikkut uniudjutit atia, *Uvagut Ihumavut Pidjutauyughat: Inulramirnin-Kangiqhidjutiaqtuq Ihivriurut Ihumakku Aanniaqtailinirmun Kivgaqtuutikkut hapkununga Inuramirnun Nunavunmiunun.*
- Aalanguqtiqtavut qanuqtut pidjutinun ukualu uniudjutit auladjutinun ihuiguuutit atautimun 33nik pitquidjutinik kavamatkunun.
- Pihimablugit uqautauyutigit pihimayut tigumidjutiaqatunin, ihuaqhaqtavut qanuqtut naunaiyaidjutinun havaaptingnun.
- Havaqatigiyaqatunin Inirniqhat uqaudjiyut piyaangini naunaiyautait qanuq Inuit inuuqatigiingnikkut akhuurutigiyanigut ukualu nutaqqat pilaarutait, titiraqhimayut uvani United Nations *Convention Pilaarutainun Nutaqqat*, havaqatigiiklutik.
- Avatiinilu aviktuqhimayup, katimaqatigiyavut avatqumayut 1,100 inulramiit inuit, tunihibluta uvaptingni *Nipiquqtuhilugu Nipit: Inmikkut-Uqaudjinikkut katimaqyuarutit unalu Hilavut alapaanaqtuqL: Una Igloo Ulaqqinikkut Ulapqidjut...* atiliqlugit ikitut havagvimni havaktait uvani ukiumi.

Una ihumagiblugu, Niriuktunga atulugu ilihimayayut havagvimni ilituriyaangini ayuqhautit kivgaqtuutinun tapkua ilihimayavut atuqtauyut, havaqatigiiktumik ihuaqhaqlugit uqautigilugillu hapkua ayuqhautit pihimalugu nakuutqiatigit piimayait inulramiit Nunavunmiut, ilatiklu, hivunighaanunlu Nunavut tamaanun, ihumagilugit.

Amigaituhi ilituriyungnaqhiyuh, ukua 2019-2020 ukiumi uniudjutit aalanguqtut kingulirnin ukiumin. Hapkua aalanguqtauyut takuyatit uvani ukiumi uniudjutini havaktauhimayut pihimablugit uqautauyutigit tuniyayut havagvimnin Atanguyamin ukualu Kivgaqtungnikkut Katimayiinin ukualu Tikuaqtauhimayut Katimayiit. Kinguani nuitinaptigit 2019-2020 ukiumi uniudjutit, piyugut aalakiinik uqautauyunik havagvingnin mighaagun titirauhiitigit iluaniitullu. Ilangit havagviit havaqatigiyumabluta piyaangini kangiqhidjutit ihuariangini iniqtiqpiqhimalutiklu ilangit iniqhimaitut, ihumagiblugit hiamitirnimun ihumaaluutigiblugit. Piimayatka uqautauyut Tikuaqtauhimayunin Katimayiinin titirauhiatigit iluaniitullu ukiumi uniudjutini.

Atauhiq anginirhaq aalanguutaa uniudjutinun ilaliutihimayup haffumunga Qanuriniinun Inulramiit Nunavunmi titiraqvighaat. Uqaqhimayatka uvani Kivgaqtuqtiup Tuhaqtidjutaani pidjutaat titiraqhimayup tunihiyaami ihuaqtunik kangiqhidjutinik tapkua tauqtauyaaqtut ihumaliuqtunin, imaatun ilvit, kangiqhipkariangini ihumagiyatit ikayuqlutillu tunihiyaami naunaiyattiaqhimayunik, havaqatigiingnikkut, ihuaqtumiklu hivumuurutighamik, atautimun. Taimaali, aulahimaaqtumik tunihinihihimaqtugut uvani titiraqhimayunik ukiuq tamaat.

Naunaiyatirumayatka kangiqhidjutit tuniyayut uvani Qanuriniit Inulramiit Nunavunmiut titiraqhimayut kangiqhidjutigingitavut. Tuniyauhimayup havagvimnun kavamatkut havagviinin. Havaktima amigaitunik ikaarnirnik ihivriuqtait, ihuaqhaqhugit naunaiyaqhugillu hunat tuniyauhimayut. Hivuanit titiraqtautinagit uniudjutivut, tuniyavut havagviit aadjiliuqhimayunik inmi titiraqhimayait piyaghaqhaqhugillu uqautigiyaghainik naunaiyainirmiklu tutqighiyaangani ihuangnirit kingulirmun titiragahanun.

Haffumuuna havauhikkut, havagvingma ilituriyait, hunallu ihumgaiyatka ublumi ilitavut, takaunaqtut titiraqhimayuni, tapkua amigaitut makpirniit kangiqhidjutit mighaanun kavamatkut kivgaqtuutait inulramirnun naunaiyaqtaungituq ihuaqtumik ihuanighainikluuniin. Una apirhuutigiliqtara, qanuq una kavamatkut havakhugit ihumaliurutit? Qanuqtut ihumaliurutit pinahuarutinun havaktauvat? Qanuqtut manikhat nuutiqtavut? qanuqtut ihariagiyait inulramiit havaktauvat ilihimangitugit qaffiuniit inulramiit piliqtait hapkua kivgaqtuutit. Aghuungnatqiaq apirhuut, kina kiunatiqaa hapkununga ihumaliurutinun?

Uqautigitugit ukua 2019-2020 ukiumi uniudjutit, uqautauyuq amigaitumik Maligaliuvingmi, apirhuutauliraangata kiunautait kavamatkut havagviit. Una pidjutigiya uniudjutit. Una pidjutigiya havaama havagvingmi. Munariyaghait havagvingma uqautigitugit hapkua ayuqhautit, pihimayut piqanginirmik ayuqhautilu kivgaqtuutinun, tuhaqtitauyut ilingnun. Munariyaghaallu havagvingma pihimalugit kavamatkut havagviit kiunautigitugit ihuaqhiyuumirutighait tapkua ihariagiyaayut havaktaulutik. Kihimi, munaridjutit ilitarilugu ihariagiyaayut ihuaqharnikkut hulidjutinik, ihuaqhailutik pidjutigiyaat kavamatkut. Havagvingma havangitait hapkua ayuqhautit; taimaali, amigaitut atuqtauhimayut havagviit ilihimayait amigaituni ukiuni, hugingitugit uqautigingitugillu. Kihimi, turaaqhimayughaliqtugut qilamik havagahanun piyariaqaqtut ihuaqhaqlugit hapkua ayuqhautit umiklugit piqanginiit.

Qinihunga avatiinun igluap, takuyunga amigaitunik hivuliqtinik ihumaliutiniklu ataniudjutiaqaqtut aalangitirinirmun inulramirnun Nunavnmi ilailu ihariagiyaainik. Tunuini tamaita naunaiyautini uniudjutiingni, tamaita pitquinikkut havaktauyut, tamaita ihuaginirit ayuqhautillu uqautauyut havagvimnun ihivriuqtaghat, nutaqqat, inulramiit, ilait kitut ihariagiyaqaqtut uvaptingnin ikayuqtaulutik inuuyamingni nakuutiqtatigut inuuhirmingni ihumaliuqlutiklu inmi nakuutqiatigut piumayamingnik. Turhulauqtaffit tamaffi pidjutigiliqlugu una ayuqhaut.

Niriuktunga havaqatigiingnirmun ihuaqtumiklu uqautigiingnirmun. Quana, Ighivautalik.